

## 《春秋》

元年，春，王正月。三月，公及邾仪父盟于蔑。夏，五月，郑伯克段于鄢。秋，七月，天王使宰桓来归惠公、仲子之嗟。九月，及宋人盟于宿。冬，十有二月，祭伯来。公子益师卒。

2. 春，公会戎于潜。夏，五月，莒人入向。无骇帅师入极。秋，八月庚辰，公及戎盟于唐。九月，纪裂繻来逆女。冬，十月，伯姬归于纪。纪子帛、莒子盟于密。十有二月乙卯，夫人子氏薨。郑人伐卫。

3. 春，王二月己巳，日有食之。三月庚戌，天王崩。夏，四月辛卯，君氏卒。秋，武氏子来求赙。八月庚辰，宋公和卒。冬，十有二月，齐侯、郑伯盟于石门。癸未，葬宋穆公。

4. 春，王二月，莒人伐杞，取牟娄。戊申，卫州吁弑其君完。夏，公及宋公遇于清。宋公、陈侯、蔡人、卫人伐郑。秋，瑋帅师会宋公、陈侯、蔡人、卫人伐郑。九月，卫人杀州吁于濮。冬，十有二月，卫人立晋。

5. 春，公矢鱼于棠。夏，四月，葬卫桓公。秋，卫师入鍼。九月，考仲子之官，处献六羽。邾人、郑人伐宋。螟。冬，十有二月辛巳，公子伋卒。宋人伐郑，围长葛。

6. 春，郑人来渝平。夏，五月辛酉，公会齐侯，盟于艾。秋，七月。冬，宋人取长葛。

7. 春，王三月，叔姬归于纪。滕侯卒。夏，城中丘。齐侯使其弟年来聘。秋，公伐邾。冬，天王使凡伯来聘。戎伐凡伯于楚丘，以归。

8. 春，宋公、卫侯遇于垂。三月，郑伯时宛来归钁。庚寅，我入钁。夏，六月己亥，蔡侯考父卒。辛亥，宿男卒。秋，七月庚午，宋公、齐侯、卫侯盟于瓦屋。八月，葬蔡宣公。九月辛卯，公及莒人盟于浮来。螟。冬，十有二月，无骇卒。

9. 春，天王使南季来聘。三月癸酉，大雨震电。庚辰，大雨雪。挟卒。夏，城郎。秋，七月。冬，公会齐侯于防。

十年，春，王二月，公会齐侯、郑伯于中丘。夏，瑋帅师会齐人、郑人伐宋。六月壬戌，公败宋师于菅。辛巳，取防。秋，宋人、卫人入郑。宋人、蔡人、卫人伐戴。郑伯伐取之。冬，十月壬午，齐人、郑人入钺。

十有一年，春，滕侯、薛侯来朝。夏，公会郑伯于时来。秋，七月壬午，公及齐侯、郑伯入许。冬，十有一月壬辰，公薨。

桓公元年，春，王正月，公即位。三月，公会郑伯于垂。郑伯以璧假许田。夏，四月丁未，公及郑伯盟于越。秋，大水。冬，十月。

2. 春，王正月戊申，宋督弑其君与夷，及其大夫孔父。滕子来朝。三月，公会齐侯、陈侯、郑伯于稷，以成宋乱。夏，四月，取郕大鼎于宋。戊申，纳于太庙。秋，七月，杞侯来朝。蔡侯、郑伯会于邓。九月，入杞。公及戎盟于唐。冬，公至自唐。

3. 春，正月，公会齐侯于嬴。夏齐侯、卫侯胥命于蒲。六月，公会杞侯于钺。秋，七月壬辰朔，日有食之，既。公子瑋如齐逆女。九月，齐侯送姜氏于欢。公会齐侯于欢。夫人姜氏至自齐。冬，齐侯使其弟年来聘。有年。

四年，春，正月，公狩于郎。夏，天王使宰渠伯纠来聘。

5. 春，正月甲戌、己丑，陈侯鲍卒。夏，齐侯、郑伯如纪。天王使仍叔之子来聘。葬陈桓公。城祝丘。秋，蔡人、卫人、陈人从王伐郑。大雩。螽。冬，州公如曹。

6. 春，正月，实来。夏，四月，公会纪侯于成。秋，八月壬午，大阅。蔡人杀陈佗。九月丁卯，子同生。冬，纪侯来朝。

7. 春，二月己亥，焚咸丘。夏，谷伯绥来朝。邓侯吾离来朝。

8. 春，正月己卯，蒸。天王使家父来聘。夏，五月丁丑，蒸。秋，伐邾。冬，十月，雨雪。祭公来，遂逆王后于纪。

9. 春，纪季姜归于京师。夏，四月。秋，七月。冬，曹伯使其

世子射姑来朝。

十年，春，王正月庚申，曹伯终生卒。夏，五月，葬曹桓公。秋，公会卫侯于桃丘。冬，十有二月丙午，齐侯、卫侯、郑伯来战于郎。

十有一年，春，正月，齐人、卫人、郑人盟于恶曹。夏，五月癸未，郑伯寤生卒。秋七月，葬郑庄公。九月，宋人执郑祭仲。突归于郑。郑忽出奔卫。柔会宋公、陈侯、蔡叔，盟于折。公会宋公于夫钟。冬，十有二月，公会宋公于阚。

十有二年，春，正月。夏，六月壬寅，公会杞侯、莒子，盟于曲池。秋，七月丁亥，公会宋公、燕人，盟于谷丘。八月壬辰，陈侯跃卒。公会宋公于虚。冬，十有一月，公会宋公于龟。丙戌，公会郑伯，盟于武父。丙戌，卫侯晋卒。十有二月，及郑师伐宋。丁未，战于宋。

十有三年，春，二月，公会纪侯、郑伯。己巳，及齐侯、宋公、卫侯、燕人战，齐师、宋师、卫师、燕师败绩。三月，葬卫宣公。夏，大水。秋，七月。冬，十月。

十有四年，春，正月，公会郑伯于曹。无冰。夏，五。郑伯使其弟语来盟。秋，八月壬申，御廩灾。乙亥，尝。冬，十有二月丁巳，齐侯禄父卒。宋人以齐人、蔡人、卫人、陈人伐郑。

十有五年，春，二月，天王使家父来求车。三月乙未，天王崩。夏，四月己巳，葬齐僖公。五月，郑伯突出奔蔡。郑世子忽复归于郑。许叔入于许。公会齐侯于艾。邾人、牟人、葛人来朝。秋，九月，郑伯突入于栎。冬，十有一月，公会宋公、卫侯、陈侯于氏，伐郑。

十有六年，春，正月，公会宋公、蔡侯、卫侯于曹。夏，四月，公会宋公、卫侯、陈侯、蔡侯伐郑。秋，七月，公至自伐郑。冬，城向。十有一月，卫侯朔出奔齐。

十有七年，春，正月丙辰，公会齐侯、纪侯，盟于黄。二月丙午，公会邾仪父，盟于雒。夏，五月丙午，及齐师战于奚。六月丁丑，蔡侯封人卒。秋，八月，蔡季自陈归于蔡。癸巳，葬蔡桓侯。

及宋人、卫人伐邾。冬，十月朔，日有食之。

十有八年，春，王正月，公会齐侯于泺。公与夫人姜氏遂如齐。夏，四月丙子，公薨于齐。丁酉，公之丧至子齐。秋，七月。冬，十有二月己丑，葬我君桓公。

庄公元年，春，王正月。三月，夫人孙于齐。夏，单伯送王姬。秋，筑王姬之馆于外。冬，十月乙亥，陈侯林卒。王使荣叔来锡桓公命。王姬归于齐。齐师迁纪邶、晋、潁。

2. 春，王二月，葬陈庄公。夏，公子庆父帅师伐于余丘。秋，七月，齐王姬卒。冬，十有二月，夫人姜氏会齐侯于羔。乙酉，宋公冯卒。

3. 春，王正月，溺会齐师伐卫。夏，四月，葬宋庄公。五月，葬桓王。秋，纪季以携入于齐。冬，公次于滑。

4. 春，王二月，夫人姜氏享齐侯于祝丘。三月，纪伯姬卒。夏，齐侯、陈侯、郑伯遇于垂。纪侯大去其国。六月乙丑，齐侯葬纪伯姬。秋，七月。冬，公及齐人狩于羔。

5. 春，王正月。夏，夫人姜氏如齐师。秋，睨犁来来朝。冬，公会齐人、宋人、陈人、蔡人伐卫。

6. 春，王正月，王人子突救卫。夏，六月，卫侯朔入于卫。秋，公至子伐卫。螟。冬，齐侯来归卫俘。

7. 春，夫人姜氏会齐侯于防。夏，四月辛卯，夜，恒星不见。夜中，星陨如雨。秋，大水。无麦、苗。冬，夫人姜氏会齐侯于谷。

8. 春，王正月，师次于郎，以俟陈人、蔡人。甲午，治兵。夏，师及齐师围钺，钺降于齐师。秋，师还。冬，十有一月癸未，齐无知弑其君诸儿。

9. 春，齐人杀无知。公及齐大夫盟于既。夏，公伐齐，纳子纠。齐小白入于齐。秋，七月丁酉，葬齐襄公。八月庚申，及齐师战于乾时，我师败绩。九月，齐人取子纠杀之。冬，浚洙。

十年，春，王正月，公败齐师于长勺。二月，公侵宋。三月，宋人迁宿。夏，六月，齐师、宋师次于郎。公败宋师于乘丘。秋，九月，荆败蔡师于莘，以蔡侯献舞归。冬，十月，齐师灭谭，谭子奔莒。

十有一年，春，王正月。夏，五月戊寅，公败宋师于晋。秋，宋大水。冬，王姬归于齐。

十有二年，春，王三月，纪叔姬归于携。夏，四月。秋，八月甲午，宋万弑其君捷及其大夫仇牧。冬，十月，宋万出奔陈。

十有三年，春，齐侯、宋人、陈人、蔡人、邾人会于北杏。夏，六月，齐人灭遂。秋，七月。冬，公会齐侯，盟于柯。

十有四年，春，齐人、陈人、曹人伐宋。夏，单伯会伐宋。秋，七月，荆入蔡。冬，单伯会齐侯、宋公、卫侯、郑伯于湮。

十有五年，春，齐侯、宋公、陈侯、卫侯、郑伯会于湮。夏，夫人姜氏如齐。秋，宋人、齐人、邾人伐睨。郑人侵宋。冬，十月。

十有六年，春，王正月。夏，宋人、齐人、卫人伐郑。秋，荆伐郑。冬，十有二月，会齐侯、宋公、陈侯、卫侯、郑伯、许男、滑伯、滕子，同盟于幽。邾子克卒。

十有七年，春，齐人执郑詹。夏，齐人歼于遂。秋，郑詹子齐逃来。冬，多麋。

十有八年，春，王三月，日有食之。夏，公追戎于济西。秋，有螽。冬，十月。

十有九年，春，王正月。夏，四月。秋，公子结媵陈人之妇于湮，遂及齐侯、宋公盟。夫人姜氏如莒。冬，齐人、宋人、陈人伐我西鄙。

二十年，春，王二月，夫人姜氏如莒。夏，齐大灾。秋，七月。冬，齐人伐戎。

二十有一年，春，王正月。夏，五月辛酉，郑伯突卒。秋，七月戊戌，夫人姜氏薨。冬，十有二月，葬郑厉公。

22. 春，王正月，肆大眚。癸丑，葬我小君文姜。陈人杀其公子御寇。夏，五月。秋，七月丙申，及齐高傒盟于防。冬，公如齐纳币。

二十有三年，春，公至自齐。祭叔来聘。夏，公如齐观社。公至自齐。荆人来聘。公及齐侯遇于谷。萧叔朝公。秋，丹桓宫楹。冬，十有一月，曹伯射姑卒。十有二月甲寅，公会齐侯，盟于扈。

二十有四年，春，王三月，刻桓宫桷。葬曹庄公。夏，公如齐逆女。秋，公至自齐。八月丁丑，夫人姜氏入。戊寅，大夫、宗妇觐，用币。大水。冬，戎侵曹。曹羁出奔陈。赤归于曹。郭公。

二十有五年，春，陈侯使女叔来聘。夏，五月癸丑，卫侯朔卒。六月辛未朔，日有食之。鼓，用牲于社。伯姬归于杞。秋，大水。鼓，用牲于社、于门。冬，公子友如陈。

二十有六年，春，公伐戎。夏，公至自伐戎。曹杀其大夫。秋，公会宋人、齐人伐徐。冬，十有二月癸亥朔，日有食之。

二十有七年，春，公会杞伯姬于洮。夏，六月，公会齐侯、宋公、陈侯、郑伯，同盟于幽。秋，公子友如陈，葬原仲。冬，杞伯姬来。莒庆来逆叔姬。杞伯来朝。公会齐侯于城濮。

二十有八年，春，王三月甲寅，齐人伐卫。卫人及齐人战，卫人败绩。夏，四月丁未，邾子琐卒。秋，荆伐郑。公会齐人、宋人救郑。冬，筑睢。大无麦、禾。臧孙辰告余于齐。

二十有九年，春，新延廐。夏，郑人侵许。秋，有蜚。冬，十有二月，纪叔姬卒。城诸及防。

30. 春，王正月。夏，次于成。秋，七月，齐人降獐。八月癸亥，葬纪叔姬。九月庚午朔，日有食之。鼓，用牲于社。冬，公及齐侯遇于鲁济。齐人伐山戎。

三十有一年，春，筑台于郎。夏，四月，薛伯卒。筑台于薛。六月，齐侯来献戎捷。秋，筑台于秦。冬，不雨。

三十有二年，春城小谷。夏，宋公、齐侯遇于梁丘。秋，七月癸巳，公子牙卒。八月癸亥，公薨于路勤。冬，十月己未，子般卒。公子庆父如齐。狄伐邢。

闵公元年，春，王正月。齐人救邢。夏，六月辛酉，葬我君庄公。秋，八月，公及齐侯盟于落姑。冬，齐仲孙来。

2. 春，王正月，齐人迁阳。夏，五月乙酉，吉禘于庄公。秋，八月辛丑，公薨。九月，夫人姜氏孙于邾。公子庆父出奔莒。冬，齐高子来盟。十有二月，狄入卫。郑弃其师。

僖公元年，春，王正月。齐师、宋师、曹师次于聂北，救邢。夏，六月，邢迁于夷仪。齐师、宋师、曹师城邢。秋，七月戊辰，夫人姜氏薨于夷。齐人以归。楚人伐郑。八月，公会齐侯、宋公、郑伯、曹伯、邾人于圣。九月，公败邾师于偃。冬，十月壬午，公子友帅师败莒师于郚，获莒郛。十有二月丁巳，夫人氏之丧至自齐。

2. 春，王正月，城楚丘。夏，五月辛巳，葬我小君哀姜。虞师、晋师灭下阳。秋，九月，齐侯、宋公、江人、黄人盟于贯。冬，十月，不雨。楚人侵郑。

3. 春，王正月，不雨。夏四月，不雨。徐人取舒。六月，雨。秋，齐侯、宋公、江人、黄人会于阳谷。冬，公子友如齐莅盟。楚人伐郑。

四年，春，王正月，公会齐侯、宋公、陈侯、卫侯、郑伯、许男、曹伯侵蔡。蔡溃。遂伐楚，次于郢。夏，许男新臣卒。楚屈完来盟于师，盟于召陵。齐人执陈辕涛涂。秋，及江人、黄人伐陈。八月，公至自伐楚。葬许穆公。冬，十有二月，公孙兹帅师会齐人、宋人、卫人、郑人、许人、曹人侵陈。

5. 春，晋侯杀其世子申生。杞伯姬来，朝其子。夏，公孙兹如牟。公及齐侯、宋公、陈侯、卫侯、郑伯、许男、曹伯会王世子于首止。秋，八月，诸侯盟于首止。郑伯逃归不盟。楚人灭弦，弦子



奔黄。九月戊申朔，日有食之。冬，晋人执虞公。

6. 春，王正月。夏，公会齐侯、宋公、陈侯、卫侯、曹伯伐郑，围新城。秋，楚人围许。诸侯遂救许。冬，公至自伐郑。

7. 春，齐人伐郑。夏，小邾子来朝。郑杀其大夫申侯。秋，七月，公会齐侯、宋公、陈世子款、郑世子华，盟于宁母。曹伯班卒。公子友如齐。冬，葬曹昭公。

8. 春，王正月，公会王人、齐侯、宋公、卫侯、许男、曹伯、陈世子款，盟于洮。郑伯乞盟。夏，狄伐晋。秋，七月，谛于大庙，用致夫人。冬，十有二月丁未，天王崩。

9. 春，王三月丁未，宋公御说卒。夏，公会宰周公、齐侯、宋子、卫侯、郑伯、许男、曹伯于葵丘。秋，七月乙酉伯姬卒。九月戊辰，诸侯盟于葵丘。甲子，晋侯旼诸卒。冬，晋里克杀其君之子奚齐。

十年，春，王正月，公如齐。狄灭温，温子奔卫。晋里克弑其君卓及其大夫荀息。夏，齐侯、许男、伐北戎。晋杀其大夫里克。秋，七月。冬，大雨雪。

十有一年，春，晋杀其大夫平郑父。夏，公及夫人姜氏会齐侯于阳谷。秋，八月，大雩。冬，楚人伐黄。

十有二年，春，王三月庚午，日有食之。夏，楚人灭黄。秋，七月。冬，十有二月丁丑，陈侯杵臼卒。

十有三年，春，狄侵卫。夏，四月，葬陈宣公。公会齐侯、宋公、陈侯、卫侯、郑伯、许男、曹伯于碱。秋，九月，大雩。冬，公子友如齐。

十有四年，春，诸侯城缘陵。夏，六月，季姬及甯子遇于防，使甯子来朝。秋，八月辛卯，沙鹿崩。狄侵郑。冬，蔡侯酈卒。

十有五年，春，王正月，公如齐。楚人伐徐。三月，公会齐侯、宋公、陈侯、卫侯、郑伯、许男、曹伯，盟于牡丘，遂次于匡。公孙敖帅师及诸侯之大夫救徐。夏，五月，日有食之。秋，七



月，齐师、曹师伐厉。八月，螽。九月，公至自会。季姬归于甯。己卯晦，震夷伯之庙。冬，宋人伐曹。楚人败徐于娄林。十有一月壬戌，晋侯及秦伯战于韩，获晋侯。

十有六年，春，王正月戊申朔，陨石于宋五。是月，六鲋退飞过宋都。三月壬申，公子季友卒。夏，四月丙申，甯季姬卒。秋，七月甲子，公孙兹卒。冬，十有二月，公会齐侯、宋公、陈侯、卫侯、郑伯、许男、邢侯、曹伯于淮。

十有七年，春，齐人、徐人伐英氏。夏，灭项。秋，夫人姜氏会齐侯于卞。九月，公至自会。冬，十有二月乙亥，齐侯小白卒。

十有八年，春，王正月，宋公、曹伯、卫人、邾人伐齐。夏，师救齐。五月戊寅，宋师及齐师战于囿，齐师败绩。狄救齐。秋，八月丁亥，葬齐桓公。冬，邢人、狄人伐卫。

十有九年，春，王三月，宋人执滕子婴齐。夏，六月，宋公、曹人、邾人盟于曹南。甯子会盟于邾。己酉，邾人执甯子，用之。秋，宋人围曹。卫人伐邢。冬，会陈人、蔡人、楚人、郑人，盟于齐。梁亡。

20. 春，新作南门。夏，郕子来朝。五月乙巳，西宫灾。郑人入滑。秋，齐人、狄人盟于邢。冬，楚人伐随。

二十有一年，春，狄侵卫。宋人、齐人、楚人盟于鹿上。夏，大旱。秋，宋公、楚子、陈侯、蔡侯、郑伯、许男、曹伯会于孟。执宋公以伐宋。冬，公伐邾。楚人使宜申来献捷。十有二月癸丑，公会诸侯，盟于薄，释宋公。

二十有二年，春，公伐邾，取须句。夏，宋公、卫侯、许男、滕子伐郑。秋，八月丁未，及邾人战于升陴。冬，十有一月己巳朔，宋公及楚人战于泓，宋师败绩。

二十有三年，春，齐侯伐宋，围闾。夏，五月庚寅，宋公兹父卒。秋，楚人伐陈。冬，十有一月，杞子卒。

二十有四年，春，王正月。夏，狄伐郑。秋，七月。冬，天王出居于郑。晋侯夷吾卒。

二十有五年，春，王正月丙午，卫侯毁灭邢。夏，四月癸酉，卫侯毁卒。宋荡伯姬来逆妇。宋杀其大夫。秋，楚人围陈，纳顿子于顿。葬卫文公。冬十有二月癸亥，公会卫子、莒庆，盟于洮。

二十有六年，春，王正月己未，公会莒子、卫宁速，盟于向。齐侯侵我西鄙。公追齐师至携，弗及。夏，齐人伐我北鄙。卫人伐齐。公子遂如楚乞师。秋，楚人灭夔，以夔子归。冬，楚人伐宋，围阍。公以楚师伐齐，取谷。公至自伐齐。

二十有七年，春，杞子来朝。夏，六月庚寅，齐侯昭卒。秋，八月乙未，葬齐孝公。乙巳，公子遂帅师入杞。冬，楚人、陈侯、蔡侯、郑伯、许男围宋。十有二月甲戌，公会诸侯，盟于宋。

二十有八年，晋侯侵曹。晋侯伐卫。公子买戍卫，不卒戍，刺之。楚人救卫。三月丙午，晋侯入曹，执曹伯，畀宋人。夏，四月己巳，晋侯、齐师、宋师、秦师及楚人战于城濮，楚师败绩。楚杀其大夫得臣。卫侯出奔楚。五月癸丑，公会晋侯、齐侯、宋公、蔡侯、郑伯、卫子、莒子，盟于践土。陈侯如会。公朝于王所。六月，卫侯郑自楚复归于卫。卫元恒出奔晋。陈侯款卒。秋，杞伯姬来。公子遂如齐。冬，公会晋侯、齐侯、宋公、蔡侯、郑伯、陈子、莒子、邾子、秦人于温。天王狩于河阳。壬申，公朝于王所。晋人执卫侯，归之于京师。卫元恒自晋复归于卫。诸侯遂围许。曹伯襄复归于曹，遂会诸侯，围许。

二十有九年，春，介葛庐来。公至自围许。夏，六月，会王人、晋人、宋人、齐人、陈人、蔡人、秦人，盟于翟泉。秋，大雨雹。冬，介葛庐来。

30. 春，王正月。夏，狄侵齐。秋，卫杀其大夫元恒及公子瑕。卫侯郑归于卫。晋人、秦人围郑。介人侵萧。冬，天王使宰周公来聘。公子遂如京师，遂如晋。

三十有一年，春，取济西田。公子遂如晋。夏，四月，四卜郊，不从，乃免牲，犹三望。秋，七月。冬，杞伯姬来求妇。狄围卫。十有二月，卫迁于帝丘。

三十有二年，春，王正月。夏，四月己丑，郑伯捷卒。卫人侵

狄。秋，卫人及狄盟。冬，十有二月己卯，晋侯重耳卒。

三十有三年，春，王二月，秦人入滑。齐侯使国归父来聘。夏，四月辛巳，晋人及姜戎败秦师于崤。癸巳，葬晋文公。狄侵齐。公伐邾，取訾娄。秋，公子遂帅师伐邾。晋人败狄于箕。冬，十月，公如齐。十有二月，公至自齐。乙巳，公薨于小寝。陨霜，不杀曹，李、梅实。晋人、陈人、郑人伐许。

文公元年，春，王正月，公即位。二月癸亥，日有食之。天王使叔服来会葬。夏，四月丁巳，葬我君僖公。天王使毛伯来锡公命。晋侯伐卫。叔孙得臣如京师。卫人伐晋。秋，公孙敖会晋侯于戚。冬，十月丁未，楚世子商臣弑其君郢。公孙敖如齐。

2. 春，王二月甲子，晋侯及秦师战于彭衙，秦师败绩。丁丑，作僖公主。三月乙巳，及晋处父盟。夏，六月，公孙敖会宋公、陈侯、郑伯、晋士穀，盟于垂陇。自十有二月不雨，至于秋七月。八月丁卯，大事于大庙，跻僖公。冬，晋人、宋人、陈人、郑人伐秦。公子遂如齐纳币。

3. 春，王正月，叔孙得臣会晋人、宋人、陈人、卫人、郑人伐沈，沈溃。夏，五月，王子虎卒。秦人伐晋。秋，楚人围江。雨螽于宋。冬，公如晋。十有二月己巳，公及晋侯盟。晋阳处父帅师伐楚以救江。

4. 春，公至自晋。夏，逆妇姜于齐。狄侵齐。秋，楚人灭江。晋侯伐秦。卫侯使宁俞来聘。冬，十有一月壬寅，夫人风氏薨。

5. 春，王正月，王使荣叔归含且赙。三月辛亥，葬我小君成风。王使召伯来会葬。夏，公孙敖如晋。秦人入若。秋，楚人灭六。冬，十月甲申，许男业卒。

6. 春，葬许僖公。夏，季孙行父如陈。秋，季孙行父如晋。八月乙亥，晋侯獫狁卒。冬，十月，公子遂如晋，葬晋襄公。晋杀其大夫阳处父。晋狐射姑出奔狄。闰月，不告月，犹朝于庙。

7. 春，公伐邾。三月甲戌，取须句。夏，四月，宋公王臣卒。戊子，晋人及秦人战于令狐。晋先蔑奔秦。狄侵我西鄙。秋，八月，公会诸侯、晋大夫，盟于扈。冬，徐伐莒。公孙敖入莒莅盟。

8. 春，王正月。夏，四月。秋，八月戊申，天王崩。冬，十月壬午，公子遂会晋赵盾，盟于衡雍。乙酉，公子遂会洛戎，盟于暴。公孙敖如京师，不至而复。丙戌，奔莒。螽。宋人杀其大夫司马。宋司城来奔。

9. 春，毛伯来求金。夫人姜氏如齐。二月，叔孙得臣如京师。辛丑，葬襄王。晋人杀其大夫先都。三月，夫人姜氏至自齐。晋人杀其大夫士穀及箕郑父。楚人伐郑。公子遂会晋人、宋人、卫人、许人，救郑。夏，狄侵齐。秋，八月，曹伯襄卒。九月癸酉，地震。冬，楚子使椒来聘。秦人来归僖公、成风之燧。葬曹共公。

十年，春，王三月辛卯，臧孙长卒。夏，秦伐晋。楚杀其大夫宜申。自正月不雨，至于秋七月。及苏子盟于女栗。冬，狄侵宋。楚子、蔡侯次于厥貉。

十有一年，春，楚子伐麇。夏，叔彭生会晋隙缺于承匡。秋，曹伯来服。公子遂如宋。狄侵齐。冬，十月甲午，叔孙得臣败狄于碱。

十有二年，春，王正月，鍼伯来奔。杞伯来朝。二月庚子，子叔姬卒。夏，楚人围巢。秋，滕子来朝。秦伯使术来聘。冬，十有二月戊午，晋人、秦人战于河曲。季孙行父帅师城诸及郛。

十有三年，春，王正月。夏，五月壬午，陈侯朔卒。邾子遽除卒。自正月不雨，至于秋七月。大室屋坏。冬，公如晋。卫侯会公于晋。狄侵卫。十有二月己丑，公及晋侯盟。公还自晋。郑伯会公于斐。

十有四年，春，王正月，公至自晋。邾人伐我南鄙。叔彭生帅师伐邾。夏，五月乙亥，齐侯潘卒。六月，公会宋公、陈侯、卫侯、郑伯、许男、曹伯、晋赵盾。癸酉，同盟于新城。秋，七月，有星孛入于北斗。公至自会。晋人纳捷淄于邾，弗克纳。九月甲申，公孙敖卒于齐。齐公子商人弑其君舍。宋子哀来奔。冬，单伯如齐。齐人执单伯。齐人执子叔姬。

十有五年，春，季孙行父如晋。三月，宋司马华孙来盟。夏，曹伯来朝。齐人归公孙敖之丧。六月辛丑朔。日有食之。鼓，用牲

于社。单伯至自齐。晋隙缺帅师伐蔡。戊申，入蔡。秋，齐人侵我西鄙。季孙行父如晋。冬，十有一月，诸侯盟于扈。十有二月，齐人来归子叔姬。齐侯侵我西鄙，遂伐曹，入其郛。

十有六年，春，季孙行父会齐侯于阳谷，齐侯弗及盟。夏，五月，公四不视朝。六月戊辰，公子遂及齐侯盟于麦丘。秋，八月辛未，夫人姜氏薨。毁泉台。楚人、秦人、巴人灭庸。冬，十有一月，宋人弑其君杵臼。

十有七年，春，晋人、卫人、陈人、郑人伐宋。夏，四月癸亥，葬我小君声姜。齐侯伐我西鄙。六月癸未，公及齐侯盟于谷。诸侯会于扈。秋，公至自谷。冬，公子遂如齐。

十有八年，春，王二月丁丑，公薨于台下。秦伯罃卒。夏，五月戊戌，齐人弑其君商人。六月癸酉，葬我君文公。秋，公子遂，叔孙得臣如齐。夫人姜氏归于齐。季孙行父如齐。莒弑其君庶其。

宣公元年，春，王正月，公即位。公子遂如齐逆女。夏，季孙行父如齐。晋放其大夫胥甲父于卫。公会齐侯于平州。公子遂如齐。六月，齐人取济西田。秋，邾子来朝。楚子、郑人侵陈，遂侵宋。晋赵盾帅师救赵。宋公、陈侯、卫侯、曹伯会晋师于斐林，伐郑。冬，赵穿帅师侵崇。晋人、宋人伐郑。

2. 春，王二月壬子，宋华元帅师及郑公子归生帅师战于大棘。宋师败绩，获宋华元。秦师伐晋。夏，晋人、宋人、卫人、陈人伐郑。秋，九月乙丑，晋赵盾弑其君夷皋。冬，十月乙亥，天王崩。

3. 春，王正月，郊牛之口伤，改卜牛。牛死，乃不郊，犹三望。葬匡王。楚子伐陆浑之戎。夏，楚人侵郑。秋，赤狄侵齐。宋师围曹。冬，十月丙戌，郑伯兰卒。葬郑穆公。

4. 春，王正月，公及齐侯平莒及郑。莒人不肯。公伐莒，取向。秦伯稻卒。夏，六月乙酉，郑公子归生弑其君夷。赤狄侵齐。秋，公如齐。公至自齐。冬，楚子伐郑。

5. 春，公如齐。夏，公至自齐。秋，九月，齐高固来逆叔姬。叔孙得臣卒。冬，齐高固及子叔姬来。楚人伐郑。

6. 春，晋赵盾、卫孙免侵陈。夏，四月。秋，八月，螽。冬，十月。

7. 春，卫侯使孙良夫来盟。夏，公会齐伐莱。秋，公至自伐莱。大旱。冬，公会晋侯、宋公、卫侯、郑伯、曹伯于黑壤。

八年，春，公至自会。夏，六月，公子遂如齐，至黄乃复。辛巳，有事于大庙。仲遂卒于垂。壬午，犹绎。万入，去龠。戊子，夫人嬴氏薨。晋师、白狄伐秦。楚人灭舒、蓼。秋，七月甲子，日有食之，既。冬，十月己丑，葬我小君敬嬴。楚师伐陈。

9. 春，王正月，公如齐。公至自齐。夏，仲孙蔑如京师。齐侯伐莱。秋，取根牟。八月，滕子卒。九月，晋侯、宋公、卫侯、郑伯、曹伯会于扈。晋荀林父帅师伐陈。辛酉，晋侯黑臀卒于扈。冬，十月癸酉，卫侯郑卒。宋人围滕。楚子伐郑。晋隙缺帅师救郑。陈杀其大夫泄冶。

十年，春，公如齐。公至自齐。齐人归我济西田。夏，四月丙辰，日有食之。己巳，齐侯元卒。齐崔氏出奔卫。公如齐。五月，公至自齐。癸巳，陈夏徵舒弑其君平国。六月，宋师伐滕。公孙归父如齐，葬齐惠公。晋人、宋人、卫人、曹人伐郑。秋，天王使王季子来聘。公孙归父帅师伐邾，取绎。大水。季孙行父如齐。冬，公孙归父如齐。齐侯使国佐来聘。饥。楚子伐郑。

十有一年，春，王正月。夏，楚子、陈侯、郑伯盟于辰陵。公孙归父会齐人伐莒。秋，晋侯会狄于攢函。冬，十月，楚人杀陈夏徵舒。丁亥，楚子入陈。纳公孙宁、仪行父于陈。

十有二年，春，葬陈灵公。楚子围郑。夏，六月乙卯，晋荀林父帅师及楚子战于郟，晋师败绩。秋，七月。冬，十有二月戊寅，楚子灭萧。晋人、宋人、卫人、曹人同盟于清丘。宋师伐陈，卫人救陈。

十有三年，春，齐师伐莒。夏，楚子伐宋。秋，螽。冬，晋杀其大夫先穀。

十有四年，春，卫杀其大夫孔达。夏，五月壬申，曹伯寿卒。晋侯伐郑。秋，九月，楚子围宋。葬曹文公。冬，公孙归父会齐侯



于谷。

十有五年，春，公孙归父会楚子于宋。夏，五月，宋人及楚人平。六月癸卯，晋师灭赤狄潞氏，以潞子婴儿归。秦人伐晋。王札子杀召伯、毛伯。秋，螽。仲孙蔑会齐高固于无娄。初税亩。冬，櫟生。饥。

十有六年，春，王正月，晋人灭赤狄甲氏及留吁。夏，成周宣榭火。秋，郑伯姬来归。冬，大有年。

十有七年，春，王正月庚子，许男锡我卒。丁未，蔡侯申卒。夏，葬许昭公。葬蔡文公。六月癸卯，日有食之。己未，公会晋侯、卫侯、曹伯、邾子，同盟于断道。秋，公至自会。冬，十有一月壬午，公弟叔歆卒。

十有八年，春，晋侯、卫世子臧伐齐。公伐杞。夏，四月。秋，七月，邾人戕甯子于甯。甲戌，楚子旅卒。公孙归父如晋。冬，十月壬戌，公薨于路寝。归父还于晋，至笙，遂奔齐。

成公元年，春，王正月，公即位。二月辛酉，葬我君宣公。无冰。三月，作丘甲。夏，臧孙许及晋侯盟于赤棘。秋，王师败绩于茅戎。冬，十月。

2. 春，齐侯伐我北鄙。夏，四月丙戌，卫孙良夫帅师及齐师战于新筑，卫师败绩。六月癸酉，季孙行父、臧孙许、叔孙侨如、公孙婴齐帅师会晋陈克、卫孙良夫、曹公子首及齐侯战于鞍，齐师败绩。秋，七月，齐侯使国佐如师。己酉，及国佐盟于袁娄。八月壬午，宋公鲍卒。庚寅，卫侯速卒。取汶阳田。冬，楚师、郑师侵卫。十有一月，公会楚公子婴齐于蜀。丙申，公及楚人、秦人、宋人、陈人、卫人、郑人、齐人、曹人、邾人、薛人、甯人盟于蜀。

3. 春，王正月，公会晋侯、宋公、卫侯、曹伯伐郑。辛亥，葬卫穆公。二月，公至自伐郑。甲子，新宫灾，三日哭。乙亥，葬宋文公。夏，公如晋。郑公子去疾帅师伐许。公至自晋。秋，叔孙侨如帅师围棘。大雩。晋陈克、卫孙良夫伐晋咎如。冬，十有一月，晋侯使荀庚来聘。卫侯使孙良夫来聘。丙午，及荀庚盟。丁未，及孙良夫盟。郑伐许。



四年，春，宋公使华元来聘。三月壬申，郑伯坚卒。杞伯来朝。夏，四月甲寅，臧孙许卒。公如晋。葬郑襄公。秋，公至自晋。冬，城郛。郑伯伐许。

5. 春，王正月，杞叔姬来归。仲孙蔑如宋。夏，叔孙侨如会晋荀首于谷。梁山崩。秋，大水。冬，十有一月己酉，天王崩。十有二月己丑，公会晋侯、齐侯、宋公、卫侯、郑伯、曹伯、邾子、杞伯，同盟于虫牢。

6. 春，王正月，公至自会。二月辛巳，立武宫。取嘒。卫孙良夫帅师侵宋。夏，六月，邾子来朝。公孙婴齐如晋。壬申，郑伯费卒。秋，仲孙蔑、叔孙侨如帅师侵宋。楚公子婴齐帅师伐郑。冬，季孙行父如晋。晋栾书帅师救郑。

7. 春，王正月，鬻鼠食郊牛角，改卜牛，鬻鼠又食其角，乃免牛。吴伐郑。夏，五月，曹伯来朝。不郊，犹三望。秋，楚公子婴齐帅师伐郑。公会晋侯、齐侯、宋公、卫侯、曹伯、莒子、邾子、杞伯救郑。八月戊辰，同盟于马陵。公至自会。吴入州来。冬，大雩。卫孙林父出奔晋。

8. 春，晋侯使韩穿来言汶阳之田，归于齐。晋栾书帅师侵蔡。公孙婴齐如莒。宋公使华元来聘。夏，宋公使公孙寿来纳币。晋杀其大夫赵同、赵括。秋，七月，天子使召伯来赐公命。冬，十月癸卯，杞叔姬卒。晋侯使士燮来聘。叔孙侨如会晋士燮、齐人、邾人伐郑。卫人来媵。

9. 春，王正月，杞伯来逆叔姬之丧以归。公会晋侯、齐侯、宋公、卫侯、郑伯、曹伯、莒子、杞伯，同盟于蒲。公至自会。二月，伯姬归于宋。夏，季孙行父如宋致女。晋人来媵。秋，七月丙子，齐侯无野卒。晋人执郑伯。晋栾书帅师伐郑。冬，十有一月，葬齐顷公。楚公子婴齐帅师伐莒。甲申，莒溃。楚人入郛。秦人、白狄伐晋。郑人围许。城中城。

十年，春，卫侯之弟黑背帅师侵郑。夏，四月，五卜郊，不从，乃不郊。五月，公会晋侯、齐侯、宋公、卫侯、曹伯伐郑。齐人来媵。丙午，晋侯嚭卒。秋，七月，公如晋。冬，十月。

十有一年，春，王三月，公至自晋。晋侯使隙侔来聘。己丑，

及隙侔盟。夏，季孙行父如晋。秋，叔孙侨如如齐。冬，十月。

十有二年，春，周公出奔晋。夏，公会晋侯、卫侯于琐泽。秋，晋人败狄于交刚。冬，十月。

十有三年，春，晋侯使隙欻来乞师。三月，公如京师。夏，五月，公自京师，遂会晋侯、齐侯、宋公、卫侯、郑伯、曹伯、邾人、滕人伐秦。曹伯庐卒于师。秋，七月，公至自伐秦。冬，葬曹宣公。

十有四年，春，王正月，莒子朱卒。夏，卫孙林父自晋归于卫。秋，叔孙侨如如齐逆女。郑公子喜帅师伐许。九月，侨如以夫人妇姜氏至自齐。冬，十月庚寅，卫侯臧卒。秦伯卒。

十有五年，春，王二月，臧卫定公。三月乙巳，仲婴齐卒。癸丑，公会晋侯、卫侯、郑伯、曹伯、宋世子成、齐国佐、邾人，同盟于戚。晋侯执曹伯归于京师。公至自会。夏，六月，宋公固卒。楚子伐郑。秋，八月庚辰，葬宋共公。宋华元出奔晋。宋华元自晋归于宋。宋杀其大夫山。宋鱼石出奔楚。冬，十有一月，叔孙侨如会晋士燮、齐高无咎、宋华元、卫孙林父、郑公子猷、邾人会吴于钟离。许迁于叶。

十有六年，春，王正月，雨，大冰。夏，四月辛未，滕子卒。郑公子喜帅师侵宋。六月丙寅朔，日有食之。晋侯使栾厌来乞师。甲午晦，晋侯及楚子、郑伯战于鄢陵。楚子、郑师败绩。楚杀其大夫公子侧。秋，公会晋侯、齐侯、卫侯、宋华元、邾人于沙随，不见公。公至自会。公会尹子、晋侯、齐国佐、邾人伐郑。曹伯归自京师。九月，晋人执季孙行父，舍之于茗丘。冬，十月乙亥，叔孙侨如出奔齐。十有二月乙丑，季孙行父及晋隙侔盟于扈。公至自会。乙酉，刺公子偃。

十有七年，春，卫北宫括帅师侵郑。夏，公会尹子、单子、晋侯、齐侯、宋公、卫侯、曹伯、邾人伐郑。六月乙酉，同盟于柯陵。秋，公至自会。齐高无咎出奔莒。九月辛丑，用郊。晋侯使荀罍来乞师。冬，公会单子、晋侯、宋公、卫侯、曹伯、齐人、邾人伐郑。十有一月，公至自伐郑。壬申，公孙婴齐卒于貊辰。十有二月丁巳朔，日有食之。邾子攬且卒。晋杀其大夫隙崎、隙侔、隙至。楚人灭舒庸。

十有八年，春，王正月，晋杀其大夫胥童。庚申，晋弑其君州蒲。齐杀其大夫国佐。公如晋。夏，楚子、郑伯伐宋。宋鱼石复入于彭城。公至子晋。晋侯使士亡来聘。秋，杞伯来朝。八月，邾子来朝。筑鹿囿。己丑，公薨于路寝。冬，楚人、郑人侵宋。晋侯使士魋来乞师。十有二月，仲孙蔑会晋侯、宋公、卫侯、邾子、齐崔杼，同盟于虚玗。丁未，葬我君成公。

襄公元年，春，王正月，公即位。仲孙蔑会晋栾厌、宋华元、卫宁殖、曹人、莒人、邾人、滕人、薛人围宋彭城。夏，晋韩厥帅师伐郑。仲孙蔑会齐崔杼、曹人、邾人、杞人，次于甗。秋，楚公子壬夫帅师侵宋。九月辛酉，天王崩。邾子来朝。冬，卫侯使公孙剽来聘。晋侯使荀罍来聘。

2. 春，王正月，葬简王。郑师伐宋。夏，五月庚寅，夫人姜氏薨。六月庚辰，郑伯纶卒。晋师、宋师、卫宁殖侵郑。秋，七月，仲孙蔑会晋荀罍、宋华元、卫孙林父、曹人、邾人于戚。己丑，葬我小君齐姜。叔孙豹如宋。冬，仲孙蔑会晋荀罍、齐崔杼、宋华元、卫孙林父、曹人、邾人、滕人、薛人、小邾人于戚，遂城虎牢。楚杀其大夫公子申。

3. 春，楚公子婴齐帅师伐吴。公如晋。夏，四月壬戌，公及晋侯盟于长樗。公至自晋。六月，公会单子、晋侯、宋公、卫侯、郑伯、莒子、邾子、齐世子光。己未，同盟于鸡泽。陈侯使袁侨如会。戊寅，叔孙豹及诸侯之大夫及陈袁侨盟。秋，公至自会。冬，晋荀罍帅师伐许。

4. 春，王三月己酉，陈侯午卒。夏，叔孙豹如晋。秋，七月戊子，夫人妣氏薨。葬陈成公。八月辛亥，葬我小君定姒。冬，公如晋。陈人围顿。

5. 春，公至自晋。夏，郑伯使公子发来聘。叔孙豹、甗世子巫如晋。仲孙蔑、卫孙林父会吴于善道。秋，大雩。楚杀其大夫公子壬夫。公会晋侯、宋公、陈侯、卫侯、郑伯、曹伯、莒子、邾子、滕子、薛伯、齐世子光、吴人、甗人于戚。公至自会。冬，戍陈。楚公子贞帅师伐陈。公会晋侯、宋公、卫侯、郑伯、曹伯、齐世子光救陈。十有二月，公至自救陈。辛未，季孙行父卒。

6. 春，王三月壬午，杞伯姑容卒。夏，宋华弱来奔。秋，葬杞桓公。滕子来朝。莒人灭酆。冬，叔孙豹如邾。季孙宿如晋。十有二月，齐侯灭莱。

七年，春，郑子来朝。夏，四月，三卜郊，不从，乃免牲。小邾子来朝。城费。秋，季孙宿如卫。八月，螽。冬，十月，卫侯使孙林父来聘。壬戌，及孙林父盟。楚公子贞帅师围陈。十有二月，公会晋侯、宋公、陈侯、卫侯、曹伯、莒子、邾子于鄆。郑伯髡顽如会，未见诸侯。丙戌，卒于谯。陈侯逃归。

8. 春，王正月，公如晋。夏，葬郑僖公。郑人伐蔡，获蔡公子燹。季孙宿会晋侯、郑伯、齐人、宋人、卫人、邾人于邢丘。公至自晋。莒人伐我东鄙。秋，九月，大雩。冬，楚公子贞帅师伐郑。晋侯使士亡来聘。

9. 春，宋灾。夏，季孙宿如晋。五月辛酉，夫人姜氏薨。秋，八月癸未，葬我小君穆姜。冬，公会晋侯、宋公、卫侯、曹伯、莒子、邾子、滕子、薛伯、杞伯、小邾子、齐世子光伐郑。十有二月己亥，同盟于戏。楚子伐郑。

十年，春，公会晋侯、宋公、卫侯、曹伯、莒子、邾子、滕子、薛伯、杞伯、小邾子、齐世子光会吴于且。夏五月甲午，遂灭逼阳。公至自会。楚公子贞、郑公孙辄帅师伐宋。晋师伐秦。秋，莒人伐我东鄙。公会晋侯、宋公、卫侯、曹伯、莒子、邾子、齐世子光、滕子、薛伯、杞伯、小邾子伐郑。冬，盗杀郑公子鲋、公子发、公孙辄。戍郑虎牢。楚公子贞帅师救郑。公至自伐郑。

十有一年，春，王正月，作三军。夏，四月，四卜郊，不从，乃不郊。郑公孙舍之帅师侵宋。公会晋侯、宋公、卫侯、曹伯、齐世子光、莒子、邾子、滕子、薛伯、杞伯、小邾子伐郑。秋，七月己未，同盟于亳城北。公至自伐郑。楚子、郑伯伐宋。公会晋侯、宋公、卫侯、曹伯、齐世子光、莒子、邾子、滕子、薛伯、杞伯、小邾子伐郑。会于萧鱼。公至自会。楚人执郑行人良霄。冬，秦人伐晋。

十有二年，春，王三月，莒人伐我东鄙，围台。季孙宿帅师救台，遂入郚。夏，晋侯使士魴来聘。秋，九月，吴子乘卒。冬，楚公子贞帅师侵宋。公如晋。

十有三年，春，公至自晋。夏，取寺。秋，九月庚辰，楚子审卒。冬，城防。

十有四年，春，王正月，季孙宿、叔老会晋士亡、齐人、宋人、卫人、郑公孙趯、曹人、莒人、邾人、滕人、薛人、杞人、小邾人会吴于向。二月乙未朔，日有食之。夏，四月叔孙豹会晋荀偃、齐人、宋人、卫北宫括、郑公孙趯、曹人、莒人、邾人、滕人、薛人、杞人、小邾人伐秦。己未，卫侯出奔齐。莒人伐我东鄙。秋，楚公子贞帅师伐吴。冬，季孙宿会晋士亡、宋华阅、卫孙林父、郑公孙趯、莒人、邾人于戚。

十有五年，春，宋公使向戌来聘。二月己亥，及向戌盟于刘。刘夏逆王后于齐。夏，齐侯伐我北鄙，围成。公救成，至遇。季孙宿、叔孙豹帅师城成郛。秋，八月丁巳，日有食之。邾人伐我南鄙。冬，十有一月癸亥，己亥周卒。

十有六年，春，王正月，葬晋悼公。三月，公会晋侯、宋公、卫侯、郑伯、曹伯、莒子、邾子、薛伯、杞伯、小邾子于溴梁。戊寅，大夫盟。晋人执莒子、邾子以归。齐侯伐我北鄙。夏，公至自会。五月甲子，地震。叔老会郑伯、晋荀偃、卫宁殖、宋人伐许。秋，齐伐我北鄙，围钅。大雩。冬，叔孙豹如晋。

十有七年，春，王二月庚午，邾子貜卒。宋人伐陈。夏，卫石买帅师伐曹。秋，齐侯伐我北鄙，围桃。高厚帅师伐我北鄙，围防。九月，大雩。宋华臣出奔陈。冬，邾人伐我南鄙。

十有八年，春，白狄来。夏，晋人执卫行人石买。秋，齐师伐我北鄙。冬，十月，公会晋侯、宋公、卫侯、郑伯、曹伯、莒子、邾子、滕子、薛伯、杞伯、小邾子同围齐。曹伯负刍卒于师。楚公子午帅师伐郑。

十有九年，春，王正月，诸侯盟于祝柯。晋人执邾子。公至自伐齐。取邾田，自郭水。季孙宿如晋。葬曹成公。夏，卫孙林父帅师伐齐。秋，七月辛卯，齐侯环卒。晋士亡帅师侵齐。至谷，闻齐侯卒，乃还。八月丙辰，仲孙蔑卒。齐杀其大夫高厚。郑杀其大夫公子嘉。冬，葬齐灵公。城西郛。叔孙豹会晋士亡于柯。城武城。

二十年，春，王正月辛亥，仲孙速会莒人，盟于向。夏，六月庚申，公会晋侯、齐侯、宋公、卫侯、郑伯、曹伯、莒子、邾子、滕子、薛伯、杞伯、小邾子，盟于颤渊。秋，公至自会。仲孙速帅师伐邾。蔡杀其大夫公子燮。陈侯之弟黄出奔楚。叔老如齐。冬，十月丙辰朔，日有食之。季孙宿如宋。

二十有一年，春，王正月，公如晋。邾庶其以漆、闾丘来奔。夏，公至自晋。秋，晋栾盈出奔楚。九月庚戌朔，日有食之。冬，十月庚辰朔，日有食之。曹伯来朝。公会晋侯、齐侯、宋公、卫侯、郑伯、曹伯、莒子、邾子于商任。

二十有二年，春，王正月，公至自会。夏，四月。秋，七月辛酉，叔老卒。冬，公会晋侯、齐侯、宋公、卫侯、郑伯、曹伯、莒子、邾子、薛伯、杞伯、小邾子于沙随。公至自会。楚杀其大夫公子追舒。

二十有三年，春，王二月癸酉朔，日有食之。三月己巳，杞伯亡卒。夏，邾畀我来奔。葬杞孝公。陈杀其大夫庆虎及庆寅。陈侯之弟黄自楚归于陈。晋栾盈复入于晋，入于曲沃。秋，齐侯伐卫，遂伐晋。八月，叔孙豹帅师救晋，次于壅榆。己卯，仲孙速卒。冬，十月乙亥，臧孙紇出奔邾。晋人杀栾盈。齐侯袭莒。

二十有四年，春，叔孙豹如晋。仲孙羯帅师侵齐。夏，楚子伐吴。秋，七月甲子朔，日有食之，既。齐崔杼帅师伐莒。大水。八月癸巳朔，日有食之。公会晋侯、宋公、卫侯、郑伯、曹伯、莒子、邾子、滕自、薛伯、杞伯、小邾子于夷仪。冬，楚子、蔡侯、陈侯、许男伐郑。公至自会。陈针宜咎出奔楚。叔孙豹如京师。大饥。

二十有五年，春，齐崔杼帅师伐我北鄙。夏，五月乙亥，齐崔杼弑其君光。公会晋侯、宋公、卫侯、郑伯、曹伯、莒子、邾子、滕子、薛伯、杞伯、小邾子于夷仪。六月壬子，郑公孙舍之帅师入陈。秋，八月己巳，诸侯同盟于重丘。公至自会。卫侯入于夷仪。楚屈健帅师灭舒鸠。冬，郑公孙夏帅师伐陈。十有二月，吴子遏伐楚，门于巢，卒。

二十有六年，春，王二月辛卯，卫宁喜弑其君剽。卫孙林父入于戚以叛。甲午，卫侯盱复归于卫。夏，晋侯使荀吴来聘。公会晋



人、郑良霄、宋人、曹人于澶渊。秋，宋公杀其世子痤。晋人执卫宁喜。八月壬午，许男宁卒于楚。冬，楚子、蔡侯、陈侯伐郑。葬许灵公。

二十有七年，春，齐侯使庆封来聘。夏，叔孙豹会晋赵武、楚屈建、蔡公孙归生、卫石恶、陈孔英、郑良霄、许人、曹人于宋。卫杀其大夫宁喜。卫侯之弟傅出奔晋。秋，七月辛巳，豹及诸侯之大夫盟于宋。冬，十有二月乙亥朔，日有食之。

二十有八年，春，无冰。夏，卫石恶出奔晋。邾子来朝。秋，八月，大雩。仲孙羯如晋。冬，齐庆封来奔。十有一月，公如楚。十有二月甲寅，天王崩。乙未，楚子昭卒。

二十有九年，春，王正月，公在楚。夏，五月，公至自楚。庚午，卫侯盱卒。阖弑吴子余祭。仲孙羯会晋荀盈、齐高止、宋华定、卫世叔仪、郑公叔段、曹人、莒人、滕人、薛人、小邾人城杞。晋侯使士鞅来聘。杞子来盟。吴子使札来聘。秋，九月，葬卫献公。齐高止出奔北燕。冬，仲孙羯如晋。

30. 春，王正月，楚子使远罢来聘。夏，四月，蔡世子弑其君固。五月甲午，宋灾。宋伯姬卒。天王杀其弟佖夫。王子瑕奔莒。秋，七月，叔弓如宋，葬宋共姬。郑良霄出奔许，自许入于郑。郑人杀良霄。冬，十月，葬蔡景公。晋人、齐人、宋人、卫人、郑人、曹人、莒人、邾人、滕人、薛人、杞人、小邾人会于澶渊，宋灾故。

三十有一年，春，王正月。夏，六月辛巳，公薨于楚宫。秋，九月癸巳，子野卒。己亥，仲孙羯卒。冬，十月，滕子来会葬。癸酉，葬我君襄公。十有一月，莒人弑其君密州。

昭公元年，春，王正月，公即位。叔孙豹会晋赵武、楚公子围、齐国弱、宋向戌、卫齐恶、陈公子招、蔡公孙归生、郑罕虎、许人、曹人于虢。三月，取郟。夏，秦伯之弟针出奔晋。六月丁巳，邾子华卒。晋荀吴帅师败狄于大卤。秋，莒去疾自齐入于莒。莒展舆出奔吴。叔弓帅师疆郟田。葬邾悼公。冬，十有一月己酉，楚子麇卒。楚公子比出奔晋。

2. 春，晋侯使韩起来聘。夏，叔弓如晋。秋，郑杀其大夫公孙



黑。冬，公如晋，至河乃复。季孙宿如晋。

3. 春，王正月丁未，滕子原卒。夏，叔弓如滕。五月，葬滕成公。秋，小邾子来朝。八月，大雩。冬，大雨雹。北燕伯款出奔齐。

4. 春，王正月，大雨雹。夏，楚子、蔡侯、陈侯、郑伯、许男、徐子、滕子、顿子、胡子、沈子、小邾子、宋世子佐、淮夷会于申。楚人执徐子。秋，七月，楚子、蔡侯、陈侯、许男、顿子、胡子、沈子、淮夷伐吴。执齐庆封，杀之。遂灭顿。九月，取甗。冬，十有二月乙卯，叔孙豹卒。

5. 春，王正月，舍中军。楚杀其大夫屈申。公如晋。夏，莒牟夷以牟娄及防、兹来奔。秋，七月，公至自晋。戊辰，叔弓帅师败莒师于汾泉。秦伯卒。冬，楚子、蔡侯、陈侯、许男、顿子、沉子、徐人、越人伐吴。

6. 春，王正月，杞伯益姑卒。葬秦景公。夏，季孙宿如晋。葬杞文公。宋华合比出奔卫。秋，九月，大雩。楚远罢帅师伐吴。冬，叔弓如楚。齐侯伐北燕。

7. 春，王正月，暨齐平。三月，公入楚。叔孙偯如齐莅盟。夏，四月甲申朔，日有食之。秋，八月戊辰，卫侯恶卒。九月，公至自楚。冬，十有一月癸未，季孙宿卒。十有二月癸亥，葬卫襄公。

8. 春，陈侯之弟招杀陈世子偃师。夏，四月辛丑，陈侯溺卒。叔弓如晋。楚人执陈行人干徵师，杀之。陈公子留出奔郑。秋，搜于红。陈人杀其大夫公子过。大雩。冬，十月壬午，楚师灭陈。执陈公子招，放之于越。杀陈孔奂。葬陈哀公。

9. 春，叔弓会楚子于陈。许迁于夷。夏，四月，陈灾。秋，仲孙阅如齐。冬，筑郎囿。

十年，春，王正月。夏，齐栾施来奔。秋，七月，季孙意如、叔弓、仲孙阅帅师伐莒。戊子，晋侯彪卒。九月，叔孙偯如晋，葬晋平公。十有二月甲子，宋公成卒。

十有一年，春，王二月，叔弓如宋，葬宋平公。夏，四月丁巳，楚子虔诱蔡侯般是之于申。楚公子弃疾帅师围蔡。五月甲申，夫人归氏薨。大搜于比蒲。仲孙攫会邾子，盟于浸祥。秋，季孙意如会晋韩起、齐国弱、宋华亥、卫北宫佗、郑罕虎、曹人、杞人于厥岫。九月己亥，葬我小君齐归。冬，十有一月丁酉，楚师灭蔡，执蔡世子有以归，用之。

十有二年，春，齐高偃帅师纳北燕于阳。三月壬申，郑伯嘉卒。夏，宋公使华定来聘。公如晋，至河乃复。五月，葬郑简公。楚杀其大夫成熊。秋，七月。冬，十月，公子咺出奔齐。楚子伐徐。晋伐鲜虞。

十有三年，春，叔弓帅师围费。夏，四月，楚公子比自晋归于楚，弑其君虔于乾溪。楚公子弃疾杀公子比。秋，公会刘子、晋侯、齐侯、宋公、卫侯、郑伯、曹伯、莒子、邾子、滕子、薛伯、杞伯、小邾子于平丘。八月甲戌，同盟于平丘。公不与盟。晋人执季孙意如以归。公至自会。蔡侯庐归于蔡。陈侯吴归于陈。冬，十月，葬蔡灵公。公如晋，至河乃复。吴灭州来。

十有四年，春，意如至自晋。三月，曹伯滕卒。夏，四月。秋，葬曹武公。八月，莒子去疾卒。冬，莒杀其公子意恢。

十有五年，春，王正月，吴子夷末卒。二月癸酉，有事于武宫。僦入，叔弓卒。去乐，卒事。夏，蔡朝吴出奔郑。六月丁巳朔，日有食之。秋，晋荀吴帅师伐鲜虞。冬，公如晋。

十有六年，春，齐侯伐徐。楚子诱戎蛮子杀之。夏，公至自晋。秋，八月己亥，晋侯夷卒。九月，大雩。季孙意如如晋。冬，十月，葬晋昭公。

十有七年，春，小邾子来朝。夏，六月甲戌朔，日有食之。秋，邾子来朝。八月，晋荀吴帅师灭陆浑之戎。冬，有星孛于大辰。楚人及吴战于长岸。

十有八年，春，王三月，曹伯须卒。夏五月壬午，宋、卫、陈、郑灾。六月，邾人入禹。秋，葬曹平公。冬，许迁于白羽。

十有九年，春，宋公伐邾。夏，五月戊辰，许世子止弑其君

买。己卯，地震。秋，齐高发帅师伐莒。冬，葬许悼公。

二十年，春，王正月。夏，曹公孙会自梦出奔宋。秋，盗杀卫侯之兄縶。冬，十月，宋华亥、向宁、华定出奔陈。十有一月辛卯，蔡侯庐卒。

二十有一年，春，王三月，葬蔡平公。夏，晋侯使士鞅来聘。宋华亥、向宁、华定自陈入于宋南里以叛。秋，七月壬午朔，日有食之。八月乙亥，叔辄卒。冬，蔡侯朱出奔楚。公如晋，至河乃复。

二十有二年，春，齐侯伐莒。宋华亥、向宁、华定自宋南里出奔楚。大搜于昌间。夏，四月乙丑，天王崩。六月，叔鞅如京师。刘子、单子以王猛居于皇。秋，刘子、单子以王猛入于王城。冬，十月，王子猛卒。十有二月癸酉朔，日有食之。

二十有三年，春，王正月，叔孙倮如晋。癸丑，叔鞅卒。晋人执我行人叔孙倮。晋人围郊。夏，六月，蔡侯东国卒于楚。秋，七月，莒子庚舆来奔。戊辰，吴败顿、胡、沈、蔡、陈、许之师于鸡父。胡子髡、沈子逞威，获陈夏啮。天王居于狄泉。尹氏立王子朝。八月乙未，地震。冬，公如晋，至河，有疾，乃复。

24. 春，王二月丙戌，仲孙阅卒。倮至自晋。夏，五月乙未朔，日有食之。秋，八月，大雩。丁酉，杞伯郁厘卒。冬，吴灭巢。葬杞平公。

二十有五年，春，叔孙倮如宋。夏，叔诣会晋赵鞅、宋乐大心、卫北宫喜、郑游吉、曹人、邾人、滕人、薛人、小邾人于黄父。有鸛鵒来巢。秋，七月上辛，大雩；季辛，又雩。九月己亥，公孙于齐，次于阳州。齐侯唁公于野井。冬，十月戊辰，叔孙倮卒。十有一月己亥，宋公佐卒于曲棘。十有二月，齐侯取郕。

二十有六年，春，王正月，葬宋元公。三月，公至自齐，居于郕。夏，公围成。秋，公会齐侯、莒子、邾子、杞伯，盟于专陵。公至自会，居于郕。九月庚申，楚子居卒。冬，十月，天王入于成周。尹氏、召伯、毛伯以王子朝奔楚。

二十有七年，春，公如齐。公至自齐，居于郕。夏，四月，吴

弑其君僚。楚杀其大夫陳宛。秋，晋士鞅、宋乐祁犁、卫北宫喜、曹人、邾人、滕人会于扈。冬，十月，曹伯午卒。邾快来奔。公如齐。公至自齐，居于郚。

二十有八年，春，王三月，葬曹悼公。公如晋，次于乾侯。夏，四月丙戌，郑伯宁卒。六月，葬郑定公。秋，七月癸巳，滕子宁卒。冬，葬滕悼公。

二十有九年，春，公至自乾侯，居于郚。齐侯使高张来唁公。公如晋，次于乾侯。夏，四月庚子，叔诣卒。秋，七月。冬，十月，郚溃。

三十年，春，王正月，公在乾侯。夏，六月庚辰，晋侯去疾卒。秋，八月，葬晋顷公。冬，十有二月，吴灭徐，徐子章羽奔楚。

三十有一年，春，王正月，公在乾侯。季孙意如会晋荀趯于适历。夏，四月丁巳，薛伯谷卒。晋侯使荀趯唁公于乾侯。秋，葬薛献公。冬，黑肱以濫来奔。十有二月辛亥朔，日有食之。

三十有二年，春，王正月，公在乾侯。取阚。夏，吴伐越。秋，七月。冬，仲孙何忌会尽韩不信、齐高张、宋仲几、卫世叔申、郑国参、曹人、莒人、薛人、杞人、小邾人，城成周。十有二月己未，公薨于乾侯。

定公元年，春，王。三月，晋人执宋仲几于京师。夏，六月癸亥，公之丧至自乾侯。戊辰，公即位。秋，七月癸巳，葬我君昭公。九月，大雩。立炀宫。冬，十月，陨霜杀菽。

二年，春，王正月。夏，五月壬辰，雉门及两观灾。秋，楚人伐吴。冬，十月，新作雉门及两观。

3. 春，王正月，公如晋，至河乃复。二月辛卯，邾子穿卒。夏，四月。秋，葬邾庄公。冬，仲孙何忌及邾子盟于拔。

四年，春，王二月癸巳，陈侯吴卒。三月，公会刘子、晋侯、宋公、蔡侯、卫侯、陈子、郑伯、许男、莒子、邾子、顿子、胡子、滕子、薛伯、杞伯、小邾子、齐国夏于召陵，侵楚。夏，四月

庚辰，蔡公孙姓帅师灭沈，以沈子嘉归，杀之。五月，公及诸侯盟于皋鼬。杞伯成卒于会。许迁于容城。秋，七月，公至自会。刘卷卒。葬杞悼公。楚人围蔡。晋士鞅、卫孔圉帅师伐鲜虞。葬刘文公。冬，十有一月庚午，蔡侯以吴子及楚人战于柏举，楚师败绩。楚囊瓦出奔郑。庚辰，吴入郢。

5. 春，王三月辛亥朔，日有食之。夏，归粟于蔡。于越入吴。六月丙申，季孙意如卒。秋，七月壬子，叔孙不敢卒。冬，晋士鞅帅师围鲜虞。

6. 春，王正月癸亥，郑游速帅师灭许，以许男斯归。二月，公侵郑。公至自侵郑。夏，季孙斯、仲孙何忌如晋。秋，晋人执宋行人乐祁犁。冬，城中城。季孙斯、仲孙忌帅师围郛。

7. 春，王正月。夏，四月。秋，齐侯、郑伯盟于碱。齐人执行人北官结以侵卫。齐侯、卫侯盟于沙。大雩。齐国夏帅师伐我西鄙。九月，大雩。冬，十月。

8. 春，王正月，公侵齐。公至自侵齐。二月，公侵齐。三月，公至自侵齐。曹伯露卒。夏，齐国夏帅师伐我西鄙。公会晋师于瓦。公至自瓦。秋，七月戊辰，陈侯柳卒。晋士鞅帅师侵郑，遂侵卫。葬曹靖公。九月，葬陈怀公。季孙斯、仲孙何忌帅师侵卫。冬，卫侯、郑伯盟于曲濮。从祀先公。盗窃宝玉、大弓。

9. 春，王正月。夏，四月戊申，郑伯趯卒。得宝玉、大弓。六月，葬郑献公。秋，齐侯、卫侯次于五氏。秦伯卒。冬，葬秦哀公。

十年，春，王三月，及齐平。夏，公会齐侯于夹谷。公至自夹谷。晋赵鞅帅师围卫。齐人来归郛、欢、龟阴田。叔孙州仇、仲孙何忌帅师围诘。秋，叔孙州仇、仲孙何忌帅师围诘。宋乐大心出奔曹。宋公子地出奔陈。冬，齐侯、卫侯、郑游速会于安甫。叔孙州仇如齐。宋公之弟辰暨仲佗、石驱出奔陈。

十有一年，春，宋公之弟辰及仲佗、石驱、公子地自陈入于萧以叛。夏，四月。秋，宋乐大心自曹入于萧。冬，及郑平。叔还如郑莅盟。

十有二年，春，薛伯定卒。夏，葬薛襄公。叔孙州仇帅师堕诟。卫公孟驱帅师伐曹。季孙斯、仲孙何忌帅师堕费。秋，大雩。冬，十月癸亥，公会齐侯，盟于黄。十有一月丙寅朔，日有食之。公至自黄。十有二月，公围成。公至自围成。

十有三年，春，齐侯、卫侯次于垂葭。夏，筑蛇渊圉。大搜于比蒲。卫公孟驱帅师伐曹。秋，晋赵鞅入于晋阳以叛。冬，晋荀寅、士吉射入于朝歌以叛。晋赵鞅归于晋。薛弑其君比。

十有四年，春，卫公叔戌来奔。卫赵鞅出奔宋。二月辛巳，楚公子结、陈公孙佗人帅师灭顿，以顿子烱归。夏，卫北宫结来奔。五月，于越败吴于槜李。吴子光卒。公会齐侯、卫侯于牵。公至自会。秋，齐侯、宋公会于洮。天王使石尚来归赙。卫世子蒯聩出奔宋。卫公孟驱出奔郑。宋公之弟辰自萧来奔。大搜于比蒲。邾子来会公。城莒父及霄。

十有五年，春，王正月，邾子来朝。鼯鼠食郊牛，牛死，改卜牛。二月辛丑，楚子灭胡，以胡子豹归。夏，五月辛亥，郊。壬申，公薨于高寝。郑罕达帅师伐宋。齐侯、卫侯次于渠除。邾子来奔丧。秋，七月壬申，姒氏卒。八月庚辰朔，日有食之。九月，滕子来会葬。丁巳，葬我君定公，雨，不克葬。戊午，日下昃，乃克葬。辛巳，葬定姒。冬，城漆。

哀公元年，春，王正月，公即位。楚子、陈侯、随侯、许男围蔡。鼯鼠食郊牛，改卜牛。夏，四月辛巳，郊。秋，齐侯、卫侯伐晋。冬，仲孙何忌帅师伐邾。

二年，春，王二月，季孙斯、叔孙州仇、仲孙何忌帅师伐邾，取郭东田及沂西田。癸巳，叔孙州仇、仲孙何忌及邾子盟于句绎。夏，四月丙子，卫侯元卒。滕子来朝。晋赵鞅帅师纳卫世子蒯聩于戚。秋，八月甲戌，晋赵鞅帅师及郑罕达帅师战于铁，郑师败绩。冬，十月，葬卫灵公。十有一月，蔡迁于州来。蔡杀其大夫公子驷。

三年，春，齐国夏、卫石曼姑帅师围戚。夏，四月甲午，地震。五月辛卯，桓言、僖官灾。季孙斯、叔孙州仇帅师城启阳。宋乐髡帅师伐曹。秋，七月丙子，季孙斯卒。蔡人放其大夫公孙猎于吴。冬，十月癸卯，秦伯卒。叔孙州仇、仲孙何忌帅师围邾。



4. 春，王二月庚戌，盗杀蔡侯申。蔡公孙辰出奔吴。葬秦惠公。宋人执小邾子。夏，蔡杀其大夫公孙姓、公孙霍。晋人执戎蛮子赤，归于楚。城西郢。六月辛丑，亳社灾。秋，八月甲寅，滕子结卒。冬，十有二月，葬昭公。葬滕顷公。

5. 春，承岷。夏，齐侯伐宋。晋赵鞅帅师伐卫。秋，九月癸酉，齐侯杵臼卒。冬，叔还如齐。闰月，葬齐景公。

6. 春，城邾瑕。晋赵鞅帅师伐鲜虞。吴伐陈。夏，齐国夏及高张来奔。叔还会吴于祖。秋，七月庚寅，楚子轸卒。齐阳生入于齐。齐陈乞弑其君荼。冬，仲孙何忌帅师伐邾。宋向巢帅师伐曹。

7. 春，宋皇瑗帅师侵郑。晋魏曼多帅师侵卫。夏，公会吴于甌。秋，公伐邾。八月己酉，入邾，以邾子益来。宋人围曹。冬郑驷弘帅师救曹。

8. 春，王正月，宋公入曹，以曹伯阳归。吴伐我。夏，齐人取欢及阐。归邾子益于邾。秋，七月。冬，十有二月癸亥，杞伯过卒。齐人归欢及阐。

9. 春，王二月，葬杞僖公。宋皇瑗帅师取郑，师于雍丘。夏，楚人伐陈。秋，宋公伐郑。冬，十月。

十年，春，王二月。邾子益来奔。公会吴伐齐。三月戊戌，齐侯阳生卒。夏，宋人伐郑。晋赵鞅帅师侵齐。五月，公至自伐齐。葬齐悼公。卫公孟驱自齐归于卫。薛伯夷卒。秋，葬薛惠公。冬，楚公子结帅师伐陈。吴救陈。

十有一年，齐国书帅师伐我。夏，陈轅颇出奔郑。五月，公会吴伐齐。甲戌，齐国书帅师及吴战于艾陵。齐师败绩，获齐国书。秋，七月辛酉，滕子虞母卒。冬，十有一月，葬滕隐公。卫世叔齐出奔宋。

十有二年，春，用田赋。夏，五月甲辰，孟子卒。公会吴于橐皋。秋，公会卫侯、宋皇瑗于郕。宋向巢帅师伐郑。冬，十有二月，螽。



十有三年，春，郑罕达帅师取宋师于品。夏，许男成卒。公会晋侯及吴子于黄池。楚公子申帅师伐陈。于越入吴。秋，公至自会。晋魏曼多帅师侵卫。葬许元公。九月，螽。冬，十有一月，有星孛于东方。盗杀陈夏区夫。十有二月，螽。

十有四年，春，西狩获麟。小邾射以句绎来奔。夏，四月，齐陈恒执其君，置于舒州。庚戌，还叔卒。五月庚申朔，日有食之。陈宗竖出奔楚。宋向燹入于曹以叛。莒子狂卒。六月，宋向燹自曹出奔卫。宋向巢来奔。齐人弑其君壬于舒州。秋，晋赵鞅帅师伐卫。八月辛丑，仲孙何忌卒。冬，陈宗竖自楚复入于陈，陈人杀之。陈轅买出奔楚。有星孛。饥。

十有五年，春，王正月，成叛。夏，五月，齐高无平出奔北燕。郑伯伐宋。秋，八月，大雩。晋赵鞅帅师伐卫。冬，晋侯伐郑。及齐平。卫公孟驱出奔齐。

十有六年，春，王正月己卯，卫世子蒯聩自戚入于卫。卫侯辄来奔。二月，卫子还成出奔宋。夏，四月己丑，孔丘卒。